

म्हारा बाबा दुखडा मिटावन,
वेगा आवजो,
अजमल लाला अब मती,
देर लगावजो,
मारा बाबा दुखडा मिटावन,
वेगा आवजो ॥

घणी जगह पर भटकीयो बाबा,
दर दर माते टेकीया माथा,
कुन मिटावे काली राता,
कोई सुनी न मारी बाता,
कपडा होग्या लीर जीर,
ढलके नैना माई नीर,
मारा सुतोडा भाग जगायदो,
मारा बाबा दुखडा मिटावन,
वेगा आवजो,
अजमल लाला अब मती,
देर लगावजो ॥

सारी दुनिया ताना मारे,
आयो हूँ मैं थारे द्वारे,
सामी देखो बाबा मारे,
वैले आवो निज भगता रे,
मने थारो है विश्वास,
मारी पूरी करदो आस,

मारी बाह पकडने तार दो,
मारा बाबा दुखडा मिटावन,
वेगा आवजो,
अजमल लाला अब मती,
देर लगावजो ॥

एक टाबरियो माने दिरावो,
बाबा सुनी गोद भरावो,
बाबा मत न देर लगावो,
मापे अब तो महर करावो,
अरजी सुन पीरा रा पीर,
लाछा सुगना बाई रा बीर,
थारे भगता री आस पुरावजो,
मारा बाबा दुखडा मिटावन,
वेगा आवजो,
अजमल लाला अब मती,
देर लगावजो ॥

अरजी सुनने वेले आवे,
भगता ने दर्शन दिखलावे,
कैलाश दान थारा गुण गावे,
चरना माई शिश निवावे,
बाबो किनी मापर महर,
घर मे होगया लीला लहर,
माने लीले चढने दर्श दिखावजो,
मारा बाबा दुखडा मिटावन,
वेगा आवजो,
अजमल लाला अब मती,

देर लगावजो ॥

म्हारा बाबा दुखडा मिटावन,
वेगा आवजो,
अजमल लाला अब मती,
देर लगावजो,
मारा बाबा दुखडा मिटावन,
वेगा आवजो ॥

गायक प्रकाश माली जी ।
प्रेषक मनीष सीरवी
9640557818

Source: <https://www.bharattemples.com/mhara-baba-dukhda-mitavan-bega-aavjo/>



Bharat Temples

Complete Bhajans Collections - Download Free Android App
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>